

OMUKWETU

Registered at the General Post Office as a Newspaper

Ehangano lyaakwaLuther (LWF) lya gwanitha omimvo 25

Esiku lyotango lyajuli 1972 omo oshilonga shOngongahangano yaakwaLuther muuyuni sha tsakanitha omimvo 25 okuza uuna oshigongi shotango sha gongala muLund, Sweden. Ongoshilongitho shokutaandelitha uunzapo wehupitho ndyoka tali monika ashike muKristus montaneho yuuyuni, osho sha kala elalakano tali pangele ehangano ndika.



Efano ndika omisinda dha kunduka omushigakano otadhi ulike Ilgongi ingapi ya gongalwa paukumwe waakwaLuther. Efano olya holoka pethimbo lyoshigongi sha hugunina 1970 mu-Franisa. Eholololo tala kepanja tali landula.



Omupresidende gwongangahangano yaa-kwaLuther gwongashingeyi Dr. Mikko Juva, gwaSoomi.

Evalo lyuukumwe waa-kwaLuther muuyuni

Okushilila oshinkoti sheinyengo lyehangano ndika omuntu otashi ku fala sigo noku-li komumvo 1918 uuna oongerki dhomuumbangalantu waEuropa dha tsakanene noongerki oonkwaLuther dhomuAmerika.

Oshigongi shotango shEhangano ndika osha ningwa 1923 muEisenach, Ndowishilanda moka oongerki dhomiilongo 22 dha tumine ko aakalelipo yadho 150. Iikundathanwa ngashi 1. uukwaLuther nehangano lyawo 2. uukwaLuther nehempululo lyawo nosho wo uukwaLuther nohole yuumwayinathana oya li iitsa ya simana.

Moshigongi shoka kamwa li wo mwa dhimbiwa oshilonga shuudiakoni niilonga yoongerki oonkwaLuther momapya getumo. Neyakulo lyopakriste kaantu ya halakanena miilongo yilwe.

Nonando pwa monika ehumokomeho ewanawa mokukandula po omikundu dhi ili nodhi ili mokati koongerki oonkwaLuther. Ehangano ndika inali hulitha natango ematuko. Moshigongi shahugunina oshiti-5, 1970, okwa kongwa ondjila nkene aakwaLuther naayanglikani osho wo, naaKatolika taa tsikile oonkundathana opo ya thike mevathanoko lyomuule paukumwe wa dhikwa komusaseli omukuluntu, mwene gwOongerki ayihe muuyuni Jesus Kristus.

Hasho ashike shoka. Ehangano lyaakwaLuther olo oshikaha shoongerki adhihe shaa nkoka iilonga yadho ya tsa, opo omuntu kehe omwiitaali naangoka ini itaala ya yakulwe kulyo. Opo shika shi tsakanithwe, iikandjo yi ili noyi ili oya dhikwa mOngonga ndjika ongele kombinga.

- a) yeilongo,
- b) yekwatathano lyoongerki dhilwe,
- c) yoshilongatumo nosho tuu iikwawo yilwe. Ehangano oli na oongerki 82 dhi na iilyo oomilyona 75.

“BLACK POWER”

Oshitya shi li pombanda (tumbula 'blek pawe') osha longithwa tango kaakondjelimanguluko Aaluudhe yomuAmerika, ngashingeyi ohashi tumbulwa wo nomu S.A. nomiilongo ikwawo yaAfrika.

Oondunge dhoshitya shoka odha kwatelela mo oshindji shi na ekwatathano nomuluudhe, ihe oku shi fatula pafupi otatu ti ashike **oonkondo dhAaluudhe**. Omadhiladhilo taga landula oga za moshifo **Pro Veritate** nkene sha fatulula shoka oonkondo dhAaluudhe tadhiti mu S.A.

Omuniyoli gwoshifo shika ota ti kutya, S.A. inashi mu holekwa we nkene omuluudhe i idhimbulula ye mwene kutya naye nani omuntu e na oshilonga. Shika Omuluudhe okwe shi ulika miinima oyindji mbyoka omuniyoli e yi tumbula ngashi; okukala kwe miigongi yoonkundathana, omaudhano, nomomahala giilonga.

Eyambuko muupolitika

Omuniyoli ota ti nosho ngashingeyi uunona wAaluudhe otatu vulu kokule wAatiligane melongo lyomoouniversiti. Naapehe otaku monika nkene Omuluudhe ta tungu oontopa mombinga yuupolitika ndjoka ya topagulwa komavigumbo.

Uuteologi wAaluudhe

Mombepo ya tya ngaaka yependuko Omuluudhe ota wilikwa koonkondo ndhoka tadhiti mu nwetha mo notadhi mu ulukile ondjila. Oshifo osha ti kutya, olunza olunene lwoonkondo ndhika olwo Uuteologi wAaluudhe **“Black Theology”** mboka oshilonga shawo okuningulula uuteologi wopaEuropa u kale **wOshiafrika**, opo onkalo yOmuluudhe nayo yi talikile muyelele wevangeli.

Kristus okwi ikwatakanitha nomuntu muulunde we, moluhepo lwe, momahepeko ge noomuudhigu we auhe. Evangeli lyaKristus olya hupitha aakani, aasindjala ya paluthwe kulyo, aapika lye ya mangulula, opo ayehe ya taambathane ngomuntu nomumwayina, pwaa na okutala oludhi nenge omuhoko no-sho tuu.

“Uuteologi wAaluudhe otatu tala wo kutya, omushigakano nevangeli oyo wo emangululo lyOmuluudhe monkalo ye yomahepeko, yuwehame, yuuthigona, yeshunduko noyeyugwo,” oshifo sha ti.

Aaluudhe naa ikalekelwe

Molwashoka evangeli olo tuu tali fala no-

muluudhe monkalathano yo opala noyeyakulathano, onkalathano ndjoka itayi pitika nando omatopagulwo, oshoka ayehe oya shi-twa aamwayinathana.

Oku na omahangano gamwe ga dhikwa okuya uuthemba Awaluudhe moshipala, ihe shoka tashi monika mugo osho shoka kutya, otaga etele ashike S.A. mokukala kwe nomihoko odhindji, ethimbo lyuudhigu.

“Omapumathano otaga ka za miinima mbika,” osho oshifo sha tumbula momanedhiladhilo gasho.

Topola u pangele nawa

Okatongo kepangelo oka tseyika kutya, oke li po okutopola oonkondo dhAaluudhe pokati, opo ya pangelwe nuupu. Oshifo otashi ti kutya, shika itashi ka **pita** nando, oshoka Kalunga okwa hanganitha aantu ayehe nando oya yooloka moonkondo.

Ishewe oku shi thindila mo koonkondo opo oonkondo dhAaluudhe dhi kale dha tulwa aluhe miitomo oshifo osha tsikile kutya shoka otashi fala epangelo mpoka li kale tali longitha omikalo dhimwe dhaa shi dhopakriste. Shika oshifo she shi koleke nomwaa-lu omunene gwaatumwa yoongerki dhi ili nodhi ili mu S.A. nomuSuidwes mboka ya tidhwa po miilonga nenge ya tulwa muupongekwa nenge inaa zimininwa ya galukile miilongayakulo yawo.

Ohole yi vule uumbanda

Omuntu nenge epangelo otali kwatwa ashike kuumbanda wokutila oonkondo dhilwe ngele otali inekele owala okulongitha ekuni. Ngele ohole yopakriste, eyakulo nonkalathano ombwanawa tayi kala oshikalimo shomungoye, ito ka tila we nando oonkondo dhontumba oshoka oshipango oshinene shOmuwa **“Ohole yi vule ayihe,”** otashi ke ku wilika mwaayihe.

Oshifo osha tala kutya, ha oonkondo dhOmuluudhe, nohadhOmutiligane tadhiti vulu okuwilika onkalathano yokukalamwenyo kwetu, ihe **oonkondo dhaKalunga** adhihe (Gods Power) nohole yopaKalunga ayike ndjoka ya fuluka mesiku lyeyumuko lyQ-mukulili tayi vulu oku tu fala monkalo yuumwayinathana.



Oombelewa oompe dhongangahangano yaa-kwaLuther oompe ndhoka tadhiti longithwa ngashingeyi mu-Geneva.

Ondjila yomukolokoshi oixupi

Rev. Natanael Shinana

Ino kala to handuka, efa ehanda uha longe eshi inashi yuka, osheshi ovakaena-konashanakalunga otava nyonaunwa po, ndelenee ava tave lineekele Omwene ove kwete oshilongo Ps. 37:3-9

Melineekelokalunga ohatu hafifwa. Omunhu ota nyengwa okuhafifa mukwao, osheshi naye ehafo okwe li pumbwa. Fye nande tu na osho hashi ta nyeke ehafo letu, ohatu hafe, osheshi otu na ou e shii eemhumbwe detu.

Nena ohatu dana oivilo ivali, oshivilo sholuhodi noshehafo. Nde komulineekelikalunga oshivilo eshi shimwe ashike. Otu shi shii ounyuni ou oo efilu lomahodi, nde ovakriste fye ohatu tumbula ngaashi Omupsalmi ou ta ti:

"Nande handi ende mefilu lomulaulu itai tila oshiponga."

Oshilonga shodibo osho okuhandukila nde ohai dulikifa yo, onghee nomwaa ohatu hafe. Fye ovakriste ohatu lineekele Kalunga nande tu ende momundilo ile momeva. Omwene ota loteke eemwenyo detu.

Ngeenge hatu tale oshilongo shoukolokoshi sha longwa apa, eemwenyo detu otadi lotekwa musho, osheshi Kalunga ketu oketalaleko nokehekeleko. Ou a talalekwa kuKalunga ota dulu okuhambelega.

Oukolokoshi novalongi vauro owa tendelwa ongaba opo u na okuxulila. Osho yo mwene wao satana okwa pewa efimbo la ufwa. Ovana vaKalunga otava hambelele Kalunga alushe.

Lineekela hano Kalunga, osheshi ehanda nelikesho itai kwafa. Kalunga ta ti:

"Etokolo olange."

Natu yandje hano aische yaye, oye ote tu londeke kemanya. Ondjila yomukenan-ghenda nande nava kale ve na eenghono,

efikilo lavo oli li popepi. Onghenda nohole ou te i kanifa, ota xulu po diva. Kalunga ota xulifa po oilonga aische yekonda, nde ovo ve hole Omwene ove na oshilongo.

Natu hambeleleni hano Omwene omolwohole, onghenda neameno. (La udifwa moshivilo shehambelelo shaSem Kalinge.)

AAWILIKINGERKI YA TULWA MONDHOLONGO

Mumosambikwe omupresidende gwOngerki yaPresbiteri osho wo omupeha gwe, oya kwatwa pethimbo lyoshikonga shaapolisi moshilongo noya edhililwa mokamba yoonkwatwa. Aakriste yalwe 1,800 otaku tiwa, oya kwatwa pamwe nayo, moka mu na wo aasita naayakulingerki yalwe.

Aapolisi yepaneglo lyaPutu, oya kwatwa oongundu dhaantu noku ya tula moonholongo, pamalimbililo kutya, oya kala aakwatheli naayendithi yongundu yaakondjelimanguluko yaMosambikwe, (FRELIMO) patseyitho lyiifo ya S.A.

(This Month)

OKAMBONGERKI MOSHIKWANYAMA KA HOLOKA MOFITOLA YOMAMBO NOTAKA KOSHO 45c. NKOKA KOMOSHINDONGA OKA HOLOKA WO.

Omupresidende gwotango gwOngongahangano yaakwaLuther Dr. Anders T. S. Nygren gwaSweden, kolumoho (1947-1951) ye li naAmushanga gwotango gwehangano gwOngongahangano ndjoka Dr. Sylvester C. Michelfelder, gwaAmerika.



Dr. Mikko Juva, omupresidende gwOngongahangano yaakwaLuther, ota ka talela po mbala ongerki onkwaLuther muRusland. Osha tseyithwa kOngongahangano yaakwaLuther muGeneva.

Profesoli Juva okwa hiywa kaawiliki yoongerki mbali; omumbisofi omukuluntu Alfred Tooming ha lele ongerki onkwaevangeli paLuther yi na iilyo 300,000 muEstonia nomumbisofi omukuluntu Janis Matulis, ha lele ongerki onkwaevangeli paLuther yi na iilyo 350,000 muLatvian.

Metalelopo ndika omuwilikingerki Juva otaka enda pamwe naDr. Paul Hansen, amushanga mongongahangano yiinima yaEuropa. Molweendo nduka talu ka hula eti-14.8.1972, aawiliki otaa ka kundathana wo naAmushanga omunene gwoshilongo gwiinima yomaitaalo muMoscow.



Eliko Iyaaluhe

Muuyuni muka otu li mo tu na omauyamba gi ili nogi ili twe ga pewa kuKalunga ge tu yakule manga tu li kevi ndika tali hulu po. Omauyamba ngaka inatu gwana nando oku gi itangela, oshoka otaga thigala kevi huka.

Natu ikongele eliko Iyaaluhe. Kristus eliko lyetu ndyoka tatu vulu okukala nalyo kevi huka nomuukwaaluhe. Omuyapostoli Paulus ta ti:

"linima ayihe onde yi tala oyo iiyagaya yowala."

Shampa wa tseya Kristus nowe mu taamba, nena wi ilikolele eliko Iyaaluhe ihaali tukwa kooshushi naafuthi kaye na ompito oku li yaka po. Ope na oompito dhimwe ndhoka to vulu okulandula, opo wi ilikolele Kristus:

a)Okulesha esiku kehe oovelise dhontumba mOmbimbeli, opo u kolekwe kudho ngoye u uve Kalunga shoka ta popi u mu landule.

b)Egalikano, onkundathana pokati komuntu naKalunga. Ino etha ano okukundathana naKaiunga megalikano. Kotokela otelefona (egalikano) pokati koye naKalunga yaa tokoke.

c)Okwiigameka komalongo gaKalunga. Sho wa lesa Ombimbeli yoye, nowa uvu Kristus osho te ku lombwele, kambadhala ihe u shi gwanithe, opo mpoka to dhimbululwa owe mu taamba a kale eliko Iyoye.

d)Okuhokololela yakweni Kristus, Ombimbeli tayi ti:

"Ngele to hempulula nokana koye Jesus oye Omuwa, nowi itaala nomwenyo gwoye Kalunga e mu yumudha kuusi, nena oto hupithwa." Oshoka okwiitala nomwenyo, otaku yukipalitha nokuhempulula kwokana, otaku hupitha." Rom. 10:9-10.

Ino sa ohoni okuhokolela mukweni omuhupithi gwoye. "Ngoka ti idhimbike ndje paantu, nangame otandi mu idhimbike putate."

Moku shi ninga oto hilile mukweni kehu-pitho, opo mu ka hambelele amuhe handiyaka yombila. Mbika ayihe oto yi vulu koonkondo dhe. Mwaa na ndje kamu vulu sha."

Tonata Paulus Ngulu

OMULONGISIKOLA

TONATA NGULU

Oshivilo shehambelelo mOndobe

Oshivilohambelelo osha ningwa meumbo lomufitaongalo tatekulu Vilho Kaulinge omolweveluko lomona Sem Kaulinge eti-7.7.72.

Pamwe neongalo alishe novashivwa voshivilo ehambelelo ola hovela mongerki yaNdobe nelongelokalunga nosha twikila noitendele meumbo omo oilonga yeenghono yaKalunga ya fimanekwa eshi ya dulikifa yo nomushamane Sem a kale natango e na omwenyo.



Tate Kalunga okwa tuma ovaengelili veameno, omhepo oyo yomwenyo inai dja mo mwaame, fiyonda fika moshihakulilo mOshakati, osho tate Sem Kaulinge a tumbula mehokololo laye.

MuJanuali neudo ovapolifi vepangelo laS. A. ove lidenga mumwe novalumenhu Ovaambo peenhele dihapu mOukwanyama. PONDobe yo eengudu edi oda shakana eti-29.1.72. Pamalimbililo ovalumenhu Ovawambo kutya, omushamane Sem ou e li mwene womukunda oo oye shiimba a ifana ovapolifi, ove uya keumbo laye oufiku nove muhakukila nomakatana fiyo ve mu fiya po nediladilo kutya, okwa fya. Omukulukadi waye Hileni naye okwa fila moshiponga osho.

Konima yeehanani nhano tate Sem okwa lekelwa moshipangelo mOshakati e shii kupopya nokulinyenga nomoshivilo eshi okwa kala a hafa nokuhambelela exupifo laKalunga.

"Oshivilo eshi osha dikwa kuKalunga mwene okuhambelwa nokufimanekwa," osho tate Sem a tumbula ye mwene.

Sem oye lyelye?

Oshiveli shomushamane Kaulinge, okwa dalwa eti-18.11.1922 mOshikango nde tava tembukile naxe Vilho Kaulinge kOndobe 1925 eshi a kokola po omukunda oo. Opo a endela ofikola younona fiyo a twikila enogopalo kEembaxu 1939.

Okwa hovela ofikola yovamati 1941 mOngwediva fiyo 1943. Mo-1944 okwa shita ofikola yoshiingilisha mOdibo odula imwe. Opo nee a ya a ka konge oilonga kOrepublika meemina daTransvaal.

Pehovelo lodula 1945 okwa ya kuNatal nokwa kala ha longo moilonga yoipilangi mokalando Richmond. Ina kala mo, odula oyo oyo ngo a dja mo nde ta i kuKaapstad moilonga yofabulika Champlains Cou, omo a kala fiyo 1949.

MOKapa omo a fikola nokuliehenifa komesho meefikola doufiku (Stellenbosch Night-school) fiyo a hanga onghatu ya St. VI. Pefimbo eli okwa hangika e na nale odjapo yomofikola yoihauto 1946.

Pexulilo lodula 1949 okwa dimbulukwa koshilongo shomhungu nokwa hovela okuhokela ondjila yokwaalukila keumbo. Okwe ya fiyo mOvenduka pehovelo laJanuali 1950.

Mwinya okwa tumbula oilonga yokushinga oshihauto shongeshefa (musta). Ye mo-1952 te uya e lihele manga kOwambo okutala o vadali pomesho, ko mboli okakadona Hileni Gabriël nako ka kula yo, ye ote ka valeke po osho. Meme Hileni okwa dalwa eti-18.9.1927 mOhamupulungushu, mOukwanyama. Okwa fikola mokaumbo mEenhana noya ka ninga ovahongwa votete koseminali kOngandjera 1949.

Odula ya shikula oyo va ninga ehombolo lavo eti-30.12, nova ya manga aveshe kOvenduka. Eshi meme Hileni (nakufya omukulukadi waSem) omuhongi nokuli, kOvenduka ina kala ko, okwe uya a hovele oshilonga shaye pOndobe.

Osha fa kutya, omalyenge eenghono a kala kOwambo, tate Sem oilongayaye okwe i efa ngo nee 1957 a tekule omukulukadi waye nounona kOwambo. Odula ei oyo a fikila ta yeulula ongeshefa yaye nokulanda ololi yokututa oinima yofitola kOushimba nokweendifa ondalasipota yovaunguli.

Omushamane Sem omukunda okwe upewa kuxe 1962, eshi omushamane Kaulinge ta kulupa noilonga ivali tai mu leme, oufita weongalo nomukunda.

Tate Sem ota ti kutya, okukala kwavo okwa kala kuwa unene, Kalunga e va pa omayambeko manene noshali shihapu. Okwa twikila ta ti:

"Eti-29.1.1972, onguloshi onda hangika keembudi da konga omwenyo wange nokufaduka po nemona lange nokudipaa omuholike omukulukadi wange."

Pamalimbililo ovadipai kutya, shiimba oye a li a ifana ovapolifi, tate Sem okwa ti kutya, osho ine shi ninga nande efiku limwe, nande okwa li ta dulu shili ngeno oku shi ninga.

"Kalunga ne va dimine po kwaasho ve shi ninga," osho a tumbula nomutima wa wa poshi.

Ovaenda voshivilo

Nande oshivilo eshi sha fa tashi dimbulukifa omunhu oilonga i nyanyalifa ei ya ningilwe pomukunda oo, omalaka ovapopi ovafimanekwa okwa li ashike a kanghamekwa kOndjovo yaKalunga tai hekeleke yo tai pendula ehambelelo.

Elena Filippus Kaluvi okwa kumaida oshivilohambelelo eshi shi likanghamekele kOndjovo ei. Omufimanekwa Kaluvi oye mwene elenga ekulunhu koshitukulwa osho.

Omufitaongalo Petrus Shipena okwa yandja ekundo laye ponhele yomubishofi L. Auala ou ina mona omhito yokufika mo. Omutaleli weefikola omukulunhu H. D. Namuhuja omolwomuhongi nakufya Hileni osho yo omushamane Leonard Mukwiilongo, Elim medina lehangano lovanangeshefa ovakriste omo tate Sem e li oshilyo, ova eta yo omakundo avo.

Tate Sem Kaulinge okwa fiilwa kumeme Hileni onunona vaheyali, ovamati 6 nokakadona 1.

Oshimela aakwetu, ihatu kotha nawa oshimela

Ehokololo otali holoka moshifo tashi ya.



Dhimbulukwa iinima mbi-ka mokwiigamena koshimela nomokugamena wo aanona: Oondhi, iikulya yo ola, iikaha inaayi yogwa nenge iyakulitho yiikulya inaayi yogoka, unene tuu omeya inaga fulukithwa ngele to ga nu. Oshipangelo osho tashi ku kwatha siku wa adhika kuuvu mboka.

Omapulo nomayamukulo

Nestor liyambo, Windhoek:

Omolwashike tatu hepekwa sho twa mitike aniwa natu fute. Ope na uukwashili mpono?

Eeno, ope na uukwashili. 5Mos. 22:29

Inandi mu kwata koonkondo, oye mwene e ya kungame, ye osho ta kongo.

Ou na okuzala uuyezele nuuyapuki kuu pukithwe komukadhona. Mu dhenga noshivugati ngoye u kuge onkugo. 1 Mos. 39:9

Omolwashike nde mu pa okanona nde ote futithwa?

Uunona weni womiizimba hawo nduno u longolitha mbono? Uunona waahe na oohe, itau putudhilwa Kalunga, uunona uutjotji.

Omuladhona oye a gwanene a fute ndje, oshoka onde mu pa okanona. Ye okwa pendje shike?

Oto nhaanhaa! Pashito okanona ndishi okayaali ayehe? Omukadhona mukweni okwa yugayuga nela, nolwindji ota si omolwela ndyoka. Ino tsikila nokuli okupula, to geelwa kuNampongo.

H.Hangula, Olange:

Ovashashwa vajohannes ova futile ngahelipi eshi e va shasha?

Pamukalo gwAajuuda, omuntu ka holoka owala koshipala shaKalunga, oha holoka ngele olwotango:

- | | | |
|------------------------------------|------------|-------------|
| 1. Etiti lyoshisiliveli hali kosha | R. 32.25 | (130) |
| 2. Eholo lyoshisiliveli hali kosha | 17.50 | (70) |
| 3. Ongala | 40.00 | (10) |
| 4. Uusila womuziya u li miyuma | | |
| 5. Omutandangombe omulumentu | | |
| 6. Onzi yimwe nokanzona | | |
| 7. Oshikombo | | |
| 8. Oongombe mbali | | |
| 9. Oonzi ntano niikombo itano | 4Mos. 7:12 | sigo komeho |

Ovanhu va kolekelwe kuPaulus ova futile oimaliwa ingapi?

Wa kutha pethenga, Paulus ina koleka aantu shila okwa yakula owala mesha-sho lil. 16:15, Fil. 4:16

Omolwashike oimaliwa yeshasho nekoleko hai ifanwa eeshali, yo i na omaufo apa i fike?

Kalunga mwene e tu lombwele tu lombwele aantu ngeyi Mal. 3:10 Luk.2:24 Nokuli owa li u na okweeta onzi mani! 3Mos. 12:8.

OVANYASHA NEONGALO LAVO

Ovanyasha vahapu paife ova kufa ko nee eenghaku nova didilika nawa kutya eongalo nani nande li kale linene ndele oli na ovanyasha va kofa, nena otali kala yo la kofa shili. Ndele mboli eongalo ngeenge oli li po linini, ndele oli na ovanyasha va penduka, nena otali kala la penduka nola fimana, nefimano lalo otali udika nawa koilongo noilongo.

Onghee vahapu hatu ende nokulipula kutya: Ohatu pendula po mbela ngahelipi eongalo letu, noku li etela efimano? Ndishi ongeenge hatu litula momalweendo okuya moitukulwa yomomikunda deongalo letu nokuudifila aveshe ovo va pundaukila koshi yeekamba tava dedaulwa kusatana nokulitula kumwe mokulonga oshilonga shEtumo.

Eli olo edidiliko tali holola okupendula po eongalo letu noku li etela efimano. Omunyasha keshe wa penduka nowa makela kutya Jesus oye Omwene, hokololela vakweni u tye: Heni mu tale Jesus. Oove odjapo yokuhokolola, oove Shitimukupulwapale meongalo leni Mat.28:19-20.

Ovanyasha ouyezele tau minikile okakololo keshe komomikunda deongalo letu Mat. 5:16. Omwene Jesus oye Omufita wetu te tu wilike momalweendo etu. Oye ta kanda la po oiponga keshe tai tu shakeneke momalweendo etu, note tu yukifa nawa mondjila ya yukilila;

Pwilikineni utale, oshiwana otashi kuu meni lomikunda, satana a pumina mo. Olyelye mbela omunyasha meongalo ta kala a hafa eshi ovanhu aveshe meongalo tava ningi ovahakanwa vasatana? Rom.10:13-18.

Abraham Haileka→

A MWENEKWA OMIMVO HAMANO

Omudiinini wemona mukulu mongerki ya-Anglikana, omushamane David de Beer, o a telwe neudo mOvenduka okwa mwene-kwa paife koveta oule weehani hamano mu-S. A.

Hamushanga woiniwe De Beer, okwa telwe pamwe nomubishofi Colin Winter navakwao vavali va dje mo muSuidwes. Mwinya muS.A. oveta oye mu pa eyufo eli kutya, ita dulu nande okumonika pamwe pelili kakele shapo moshitukulwa osho sha-Johannesburg. Eufo eli oli na eenghono fiyo 30 Mai 1977.



Aashiinda yefuta oya li ya tokelwa pamwe

"Esiku olyo ndika Omuwa kwe li ningi, tu imbileni pombanda tse tu mu nyanyukilweni," osho omuyevangeliste Malakia Amuthe-nu, Oshiwakopo, a tumbula paPsalmi.118: 24, mOmbaye.

Agundjuka yomagongalo gaali gopofuta oya li ya tokelwa pamwe eti-17.6.1972. Aamoonda oyo aapenduthi yomadhiladhilo sho ye tu tumine enyolo tali ti:

"Otatu ya tu hungileni, tse tu kundathaneni."



Omusamane V-Ph. Shikulo

Siku ndyoka otwa halakanene poyimwe yuusiku sho twa hiti mohetatu yongulohi. Shono sha li sha simana pokati kaagundjuka mbano osho oonkundathana ndhoka dha tsikilwa nokuli ishewe esiku lya landula mundhoka mwa landulwa iitsa mbika:

- Okutaneka iiniwe miiketha yetu yetumo.
- Okuya pamwe koshigongi shaagundjuka yongerki ayihe nuumvo ko-wambo.
- Nkene tu na okuhila aagundjuka ooyakwetu ye ye miigongi.
- Uuhasha waagundjuka wokukonga owala omasiku ogendji miigongi manga elalakano tali ethiwa.

Ihe ehulithohapu lyomuwiliki gwoonkundathana tate Johannes Asino, olya li lya manglele kumwe omadhiladhilo, sho a ti:

"Egalikano olyo oshipatululo tashi patulula omweelo kehe, oshoka Kalunga ketu omugandji gwOmbepo, oku sindike komagalikano. Tu mu galikaneni twa mana mo, ope e tu zaleke oonkondo dhoku mu longela twa mana mo.

Ohaku tiwa uushiinda esipa lyothingo, wetu nAamoonda otwa halakanene twi ilonga oshindji. Ne puushiinda weni ohamu li esipa lyothingo kombinga yini ano?

V-Phillemon Shikulo

Oshoka esiku limwe lyomomikala dhoye li vule omasiku geyuvi palwe, okukala meelo lyegumbo lya-Kalunga oku vule oku kala momatsali gaalunde. Oshoka Omuwa oye oshikandekitho shetu.

OSHI LONGATUMO MOKATI KAANANGESHEFA

Omasiku hamale oshigongi shaanangeshefa aakriste sho sha li sha gongala mOniipa moka mwa li mwa kundathanwa iinima ya simana. Mewiliko lyomunashipundi gwEhangano EANGELOK, omusamane Leonard Mukwiilongo, oshigongi otashi kumagidha iilyo yomehangano ndika oshilyo kehe me-gongalo lyaandjawa okuholoka poohapu dha-Kalunga.

Pakutala kwomadhiladhilo moshigongi shoka, ando onawa iilyo yomegongalo limwe yi hogolole gumwe gwomuyo ngoka ta kala he ya hiyi siku ku na otundimbibeli me-gongalo moka, nenge a hala ya kumikathane moshilonga shawo shengeshefo.

Shika osho sha tumbulwa montokolwa yoshigongi shawo ndjoka tayi ka thikithilwa koshilyo kehe shomEhangano ndika.

Omunangeshefa omukriste kehe ota indilwa a tameke oshilonga she shongeshefa esiku kehe negalitano.

"Shika osho okwiithanena Jesus miilonga yoye ngoka ta hupitha ongeshefa yoye meshunduko," osho omuyevangeliste gwongerki Efraim Angula a tumbula moshigongi shoka. Tate Angula oye omukwathi gwaanangeshefa momaudhigu gawo gopalutu nopamwenyo mongerki yetu.

Omadhiladhilo gaavale- lwamo inaga lyatelwa nando mevi

Okalwithi ka tsina mehokololo lyekonakono lyaAmushanga Omunene gwligwana Yahangana otaka ti kutya, omusamane Kurt Waldheim, okwa londodha natango Epangelo lya S.A. kaali tsikile nokulongekidha omavigumbo.

Omavigumbo ga tumbulwa moshinima shika oKapriwi nOwambo.

Ehokololo olya ti natango kutya, otapu kongwa gumwe ngoka ta kala mekwatathano nEpangelo lya S.A. Omukalelipo nguka inashi yela natango ngele ombelewa ye otayi kala mOvenduka nenge muPretoria nenge muNew York, ota ka kwatha omusamane Waldheim mokukundathana nEpangelo lya S.A. omolwemanguluko lyevi ndika.

Omusamane Johannes Vorter, Oministeli ya S.A. komadhiladhilo ngoka okwa ti, yo Epangelo lya S.A., otaa ka gandja ngaa ekwatho alihe tali ka pumbiwa komukalelipo gwa V.V.O., ihe omadhiladhilo gaavalelwamo mboka taa indile omavigumbo yo yene oge na okusimanekwa. Epangelo otali ya kwatha ngashi yo yene taye shi indile.

Ehokololo lyu udha otali ka gandjwa kuAmushanga gwligwana kongundu yEgameni ya V.V.O. ndjoka ye mu tumine kuSuidwes eti-31.7.

Natango otashi ka gongala

OSHI GONGI SHEHANGANOTU-
MO LYAANANGESHEFA YO-
NGERKI YAELOK, OTASHI KA
GONGALA ISHEWE MUSEPTE-
MBA 1972. ESIKU OTALI KA
TSEYITHWA NGIKA KOME-
HO.



Pokati lela omuhongi Juuso Katangolo

Ongudu yovanhu ve dule 40 okwa li ya ongala mofikola yokuhonga ovanhu okulesha mOniipa mohani ei. Ofikola ei oyo yotetetete panghedi ipe yokuhonga okulesha ovo va fiwa po kefimbo lokulihonga.

Mewiliko lomuhongifikola Juuso Katangolo ou a dile kOvenduka okutula ovayakulingerki momufinda wonghedi ipe yokulesha, ofikola ei oya kala omafiku ane.

Ehongo lopaunongononi eli la holoka paife mounyuni ola tomhela oonyuni kutya, kape na nande omunhu ita shiiva okulesha nande a kale a kula shi fike peni, okuninga shapo onghedi yokulonga ii. Ongudu ya kala mepukululo eli oya diladililwa i ka kale ovakwafi votete mokulesha mongerki nomoshiwana eshi. Peenhele dihapu muSuidwes opwa diladililwa yo ehongo eli.



Jairus Muleka naHelena Amunjela,
Aanayena.

OHANGO YOPAKRISTE

Omusita gwegongalo oye omupeha gwaKalunga oha yapula ohango noohapu dhaKalunga. Kalunga mwene oye a dhikile ohango ya Adam naEva muEden. Okwa gandja oompango dha kola kutya shoka sha tulwa kumwe kuKalunga, shaa kuthwe kumwe nando komuntu. Oyo ondjapuki, kayi shi okuyonwa.

Ohango yopakriste oya dhikithwa ohole, mwaa kale iihelile. Aakriste otaa lombwe-lwa ya kale ngashi sho opalele Kalunga, ohango yi pangelwe keuvathano ewanawa. Kalunga mwene oye ta dhikile aafuko ya tya ngaaka egumbo li na elago.

Aakuluntu yaagundjuka ayehe otaa tegelelwa okutekulila oyana yawo mohango yoopalele Kalunga. Yaa tungile we komikanka dhuupagani, ihe ondigolo ayike yokunyanyukilwa esilohenda lyaagundjuka mboka yi uvi ke. Osho wo omahaleloyambeko ngoka taga zi kookume oyendji sho ya nyanyukwa okutala aafuko, ya fa aantu aape.

Ohango yopakriste oya fethithwa negaluko lyaKristus sho te ya kegongalo lye, omufuko gwe, kombanda yevi, opo e mu fale pomulumentu gwe megulu. Ehol 19:7.

Linda Ambambi

Va fudikwa inava yongolwa

Omufitaongalo mongerki yaAnglikani, Stephen Hayes okwa tulwa modolongo yomeumbo laye oule weedula nhano. Omufita ou oye umwe wovayakulingerki vatatu nomumbishofi Colin Winter va telwe kEpangelo laS.A. muSuidwes pehovelu lodula ei.

Omufita Hayes ina pitikwa vali a monike pondje yomukunda waDurban, muS.A., ina pitikwa a hangike moyoongalele yopapolitika ile oyeongo lonhumba ile moyoongalele yovanailonga ve lili ovalaule. Ina pitikwa a talele po nande olukanda lumwe.

Omusamane Hayes, Omwiingilisha, okwa yandjele ehokololo limwe koifo mOvenduka omo a hokolola omadina Ovawambo vane va dipawa nova fudikwa kovapolifi va S.A. neudo muJanuali. Eshi osha ningwa peongalo Epinga mOukwanyama.

Omadina oonakufya; Tomas Mueshihange, Benjamin Herman, Lukas Veiko naMatias Ohainengena.

Ovapolifi moshinima eshi ove lipopila kutya, omidimba ove di fudika fimbo inadi yongolwa, osheshi oda li di li pokwoola.

Aawambo kaye na omakankameno

Ombilive tayi landula pafupi oya shangwa komusamane A.J.J. Burger mokukondjitha okambo "Kontrak soos Ovambo's dit sien" ngaashi ka nyolwa kumeme Rauha Voipio pashimpwiyu e shi pewa kongerki. Oha ka monika mOsitola yomambo, Oniipa.

Omusimanekwa,
Okambo "Kontrak" oka tala ashike oshinima shondhalate kombinga yOmuwambo, nomunyoli onghahende ye osho yi li omulimbilwi nomutengauki monkalo ye. Onke nekwatho ndyoka e li longekidhilwa momukalo gwondhalate ke li lwete we. Oyendji yomuyo ya tondithwa nokuli aahona yawo, sha yela naanaa kutya, ontaku ondulu yuukomunisme oyo tayi longo mpoka.

Ondhalate otayi pewa ondjo kaahongakanithi mboka ya heke Aawambo, oshoka Omuwambo omuntu ha hekwa nuupu. Ongashi onshitwe ye osho yi li omulimbilwi nomutengauki monkalo ye. Onke nekwatho ndyoka e li longekidhilwa momukalo gwondhalate ke li lwete we. Oyendji yomuyo ya tondithwa nokuli aahona yawo, sha yela naanaa kutya, ontaku ondulu yuukomunisme oyo tayi longo mpoka.

Oondjambi

Uuyamba waahona mboka ye li po aalalakanina naadhiginini, owa uvitha Omuwambo kutya okwa shundulwa nokwa hala oku u pewa nando ine u longela. Aatiligane oya longela eliko lyawo nuudhigu manga Aawambo itaye shi vulu.

Onda pulile Aawambo oyendji yokondhalate 1971 shono ya hala. Onde ya adha poombelewa dhoshigwana. Oya yamukula: "Baas, otwa hala iimaliwa, oshoka oobaasa omu na iimaliwa oyendji." Ou uvite ko tuu? Oyendji yomuyo osho ye li ngaaka, otaa pula ashike iimaliwa, ha iilonga. Oshinima she eta uudhigu shila uukokule wiilonga yaayunguli, kashi shi omukalo gwondhalate. Oshoka omukalo gwondhalate nando kagu po, uudhigu wokokule niilonga ou li owala ngaashi u li.

Kaye lwete nande kutya, ondjambi yawo oyi li nale pombanda yi vule omuthika gwiilonga yawo. Moshipotha shawo iilonga yaantu yatatu oya ka longwa po komuntu gumwe.

Aawambo oyi ilongela omadhengo

Shoka sha talika omahepeko gAawambo, osho shoka Aawambo yo yene ye shi ilongele sho inaa gwanitha euvaneke lyawo. Osha kanithile olwindji omugandji gwiilonga elikolo ndyoka Omuwambo ka vulu oku li futila.

Olwindji Omuwambo sho ta dhengwa osha talika ekwatho kuye peha lyokutulwa mondholongo nenge lyokufuta iimaliwa mbyoka e yi pumbwa noonkondo mokukwatha egumbo lye.

Omulishi omusimanekwa ina tala kutya osho enyanu lyomugandji gwiilonga nenge lyepangelo okudhenga aantu mbaka. Ohashi ningwa ashike miinima yimweyimwe mumbiyoka Omuwambo a kumagidhwa olwindji-lwindji, naamoka omukumagidhwa nguka a holola etangalalo.

Onda mona nomeho gandje nonde shi uvu nkene Aawambo, unene mookomboni dhoohi haya ningwa nawa sha pitilila. Aawambo inaa igilila uuzeko. Ngele to u ya ningile, pamutimahenda gwoye, yo otaye ku tala omukatalume notaye ku ningile oshipotha, ngaashi ye shi ningi.

Aawambo aantu yokupangelwa nonyanya. Onke oku shi mana po mu dhigininitha nonyanya omauvaneko ge. Nongele ite shi ningi nu umbwe ko kUushimba ye ina pitililwa we iilonga nomevigumbo lyawo.

Iilumbu oyi na okupangela

Epangelo otali nyengwa okugandja ashike sha pumbiwa kAawambo, oshoka inaa pya ntango. Ehulithopo lyepangelo lyomutiligane oshinima shi li kokule natango.

Aahongakanithi mbaka aatiligane naaludhe yo yene inaa hala ashike epangelo lya S.A. niilonga yawo oyi na okulandulwa, nando taa holama konima yomukalo gwondhalate ndjoka taa ti oya pika Aawambo kumwe nokatongotongo. Okatongotongo otaka talwa ngiini oko oshinima oshinene nando Aawambo nkene ya kala oyi ili nokaye na nando egamo lyokuvundakana naatiligane?

Aahongakanithi mbaka sho ya holama ngeyi konima yondhalate, kaye shi shi nande kutya, otaa palele uukomunisme ondjila notaa kateke ehukumomeho lyAawambo.

Aapolisi otaa hepeke

Okambo otaka popi aniwa Aawambo ye hole oshili. Ihe omunyoli ando a ninge esiku limwe mengesitrata nenge omopolisi, ando she mu dhiladhilitha lwaali nokuli, manga inaa tameka okunyola. Oshili yOmuwambo ohayi dhigininwa esiku ya gama kuye.

Okwa tiwa kutya, aapolisi otaa hepeke opo ya thine oshili munakupulwasha. Nge tu uvu omuntu a tya ngaaka ta hiile omopolisi omayeye moshipala, nena ou uvite ko nale sho tashi ti komwana gwOmbulu.

Onda tala kutya, kaku na we omuputudhi omwaanawa unene gwAawambo e vule epangelo lya S.A. nande ihaye shi pandula.

Ongwili yimwe, aniwa aatiligane mboka taa pangele nando oyo aashona momwaalu. (Ihashi longithwa miilongo yodemokrati). Tse otashi tu kakameke ngele aaludhe mboka oyendji taa dhiladhilwa oyo ya pangele. Oshike twe shi ilongo komapangelo gaaludhe puushiinda wetu? Itaa vulu okwiithikamena manga kaaye na okangundu okashona kaatiligane take ya kwatha.

Ongerki yOombulu

Ongerki ndjika oya talika olwindji kutya, otayi popile epangelo lyaNasionale. Pamukalo gwontumba osho ngaa shili, ihe kuyo aatumwa oyendji muSuidwes, otaa vulu okwiilongela ko oshindji.

AANDAMARA YA TINDI EIPANGELO LYEVIGUMBO

Evi alihe lyaSuidwes-Afrika olyaaludhe yo yene. Tse inatu nyanyukilwa Epangelo lya S.A., oshoka evi lyetu otwe li kuthwa nolya pewa po aakwiilongo, manga tse tatu shundulwa nokuthiminikwa pamukalo guupika.

Osho sha tiwa mehokololo lyomalenga gAdamara ngoka ge ekelehi ooveta dhomavigumbo. Okomitiye yaakalelipo yoshigwana shaDamara shoka shi thihe po-75,000 noya dhiladhilwa okupewa ando eipangelo omumvo tagu ya, oya ti:

"Suidwes evi limwe alike noitali vulu nando okutopolwa pokati omolwomavigumbo."

Ongundu yomalenga oya gandja efululo lyayo kiifo moka ya hokolola kutya: yo kaya li nando ya thika momadhiladhilo gokutaamba eipangelo mevigumbo lyawo ngashi sha holoka mehokololo limwe.

Omolwoshinima shika omalenga ogi ilongekidha okutsakaneka oministeli ya S. A.

Mpaka tapu longo ongerki ndjoka, oto adha po wo omangungutulo omashona. Hamolwashoka iilonga yawo ya yambekwa? Omukalo gwoongerki oongundjuka dhomuSuidwes-Afrika, okwiitula miinima yuupolitika, oshe dhi kwatha shike?

Naku vulikwe kepangelo

Nandi hulithe niitya mbika kutya, aantu oye na okulongwa okwiilonga evuliko lyolela, ndyoka Kalunga e li ya pa, notatu kala twa mangeluka oku uvitha evangeli lyaKristus. Shika otandi shi koleke nokahokololo nde ka uva:

Pofaalama yimwe opwe ya omuyevangeliste gumwe omuludhe gwongerki yaAnglikani u uvithile aayunguli evangeli. Okwa lesa mEpsalmi lyaDavid, nokwa kala ta tumbula oshitya shoka "David" olwindji sigo omuhona gwofaalama, ngoka a li po wo okwa nukile mo a ti: "Tumbula wa ti, baas David." Ngwiya okwa tindi oku shi tya, nokwa kanitha epitikilo lyokuuvitha pofaalama mpoka.

Omuyevangeliste omukwawo gwongerki yOombulu sho e shi uvu okwa pula epitikilo e ye a uvithe pofaalama mpoka, nokwa ziminwa. Meuvitho omuyevangeliste okwa popi ngashi a tala omuhona te shi panda, nokwa ti: "Otandi mu leshele shono baas Mateus e tu nyolele." Okuza mpoka omuyevangeliste ngoka okwa kala omuuvithi gwopofaalama ndjoka.

Ano pamukalo nguka opo tatu imonene emanguluko lyokuuvitha evangeli lyaJesus Kristus.

MALAGASI TA KWATHWA KU V.V.O.

Ontuntu yaMalagasi (nale li ithanwa Madagaskar) otayi ka mona ekwatho lyooranda oomiliyona 12 kehanganano lyokulonga omapya lya V.V.O.

Iilonga iinene yependulopo lyevi montuntu yaMalagasi oya dhiladhilwa unene kokombinga yokulonga omapya, noshitopolwa oshinene shooheketali 10,000 otashi ka humbata omagumbo 3,000 lwaampoka.

Ehanganano enene lyuuyuni okulonga omapya lya V.V.O. oli na ombelewa onene muRoma nongele iilonga mbyoka ya tsakanithwa iilikolomwa yoshilongo shoka otayi ka indjipala noopelesenda 80.

Orepublika yaMalagasi oya mono eipangelo 1961. Oyi na aakalimo oomiliyona 7. Oya teya ekwatathano lyayo na S. A. nuumvo muJuni ndyoka lya adhikwa opo tali endeke ko.

omusamane John Vorster ngiika pehulilo lyaAguste nuumvo. Adamara otaa indile omikundu odhindji melalakano lyokugandja eipangelo kaantu yawo dhi kandulwe po shila manga.

Omukalo gwokugandja eipangelo kevigumbo kashona, nakashona osho oshinima shimwe ya tamaneka. Omusamane M.C. Botha, oministeli yiinima yaaludhe nehumokomeho lyawo, osho wo oohamushanga ye omusamane Piet Koornhof nomusamane A.J. Raubenheimer nayo wo otaku ti otaa kala mookundatha na ndhoka muPretoria.

Komufala Ndjayi, omusamane J. de Wet gwiigwnaa yaaludhe muSuidwes, oye ta longekidha etsakaneno ndyoka.

Outeku mwii ohau twala momanyono



Omumbisofi omunene Dr. M. Ramsey

Dr. RAMSEY MUBULGARIA

Omumbisofi omukuluntu gwOngerki onene yaAnglikani muEngilani, Dr. Michael Ramsey, oya kundathana nomukuluntu gwOngerki onene yokuuzilo (Ortodoks) Maxim, gwaBulgaria.

Onkundathana dhawo odha li une ne dhi ikwatelela komikundu dhomagongalo goongerki ndhoka, osho wo omaudhigu mokati kiigwana yi ili noyi ili. Moonkundathana ndhika, omwa li ehumokomeho melongelo kumwe lyoongeriki ndhoka mbali. Odha li wo dha tsu kumwe medhiladhilo ndyoka okukondjela ombili yuuyuni nodha ti kutya, itadhi ka sitha nando ohoni Ehanganano enene lyoongeriki muuyuni moku-longela kumwe nalyo.

Dr. Ramsey omutondi omunene gwokatongotongo.



Meme okwa teleka nee oshifima ye te shi holeke fiyo komatango. Fye ngehe ngo kwa shile tu lye sha. Oto ti Haimbodi ngeenge okwa ka lya mo oshifima, oto ti ombudi? Ahowe, okwa tila okufya ondjala.

Meme ota fikile ashike ta denge, ye ke shii kutya, eshi sha ka vakifa okanona ondjala. Oku na ngo vamwe ve na omukifi wokuvaka, ava otu va wete mo ngo. Hatu ke va fatulula shito.

Ojefolou vamwe ohava denge oumati ava va lya mo oikuvila yooNamutenja. Onawa ngeenge to kundafana naKotokeni, pamwe ina okwa hengana ile keumbo lavo oku na ondjala, opo u mone kutya, nani okwa vakifwa koshike. Opo nee u kundafane naye nawa kombinga yoshipango oshitihe-yali.

Apa ohatu mono nawa kutya, eshi tashi undula omunhu okulonga sha, osho shi na oshilonga shi dulife osho sha longwa komunhu oo. Meehofa daSuidwes evako ola hapupala. Oto ti ovanhu aveshe eembudi da dalwa?

Ahowe, ohava tambula R 6.00 kohani. Oimaliwa oyo otai tungifa tuu eumbo? Shapo eteko leehombo. Vali kaku na omunu ina hala okuhombola, ndelenee shaashi oimaliwa kai po, eembwale dihapu inadi hala vali okukonga oukadona, ongehe oda fininikwa ashike okwooteka.

Omahombolo opaife oku na ondilo, ongehe vahapu ova tila okuhombola. Navali shi udii ko eshi kutya, oinima imwe otai etwa kouteku woveta yetu. Oto hange ongerki tai ti, ovanyasha vamwe ihava ende omambo. Pamwe okakadona oke na onghai, fye hatu ti ngo ihaka i kongerki.

Omakamba ohaa etelafanwa

Ngeenge pomukunda weni ihapa djalwa eelemebe, nena omukulukadi woye ite i pu-


la. Ngeenge aveshe ihava djala eenghaku, kape na ou e na ko nasha neenghaku.

Omukulukadi ile okakadona koye shamha ka mono kutya, ookaume kaye ova putulwa eenghaku, nena ou udite taka ti: "Ame itandi i ko, shaashi nghi na eenghaku." Omanyami e ya.

Ngeno okwa li hatu lile, hatu hongelwa nohatu hafele pamwe noilumbu, ngeno otu na omanyami u shii? Eenesa dange daShakati, vamwe omwa hanga onghatu yousesta, ndele eshi tamu futwa pamwe noosesta voi-lumbu ofuto kai fike pamwe, lo eko-nakono noilonga oi fike pamwe. Ngeno kwa li hamu pewa shi fike pamwe, ngeno kape na ou ta ningi omanyami.

Fye ovamati eshi tu wete ovalumenhu wkwetu voindele ve fike pufye panghatu yo-St. 1 fiyo X, ndele ove na oihauto, ovalikadi tava djala lutatu mefiku, ongehe twa tokola tu pule oufemba wetu notwa lukwa vati fye ovapiyaaneki voshiwana.

Ovatekuli vetu navo ove shi shii kutya otu li moupika, nde vati omunhu ino popya ko oko, oto dengwa.



Aishe yetu tai tu nyenge mouyelele weendjovo daKalunga itai tu nyenge.

Aanangeshefa 21 ya taambelwa mehanganano

Ehanganano lyaanangeshefa aakriste mongerki yaElok, olya indjipala niilyo iipe 21 muule woomwedhi hamano. Shika osha zi moontokolwa dhoshigongi shoka ngashi sha gongala mOniipa eti-30.6.72.

Pantokolwa yoshigongi iilyo iipe oya za Owambo ayihe sigo kUushimba noKavango. Omalongekidho omanene oge li po wo melongelokumwe nEpangelongerki lya simana lyaElok, opo ku talike ngele pe shi okumonika gumwe pondje yOwambo ngoka e na oowino odhindji miilonga yokungeshefa, opo a vule okukwatha Ehanganano ndika.

Ehanganano lyaanangeshefa muSoomi, ndyoka lya hwama wo okulonga oshilonga shevangeli nomokati ketu, omolwomalweendo gomuyevangeliste Efraim Angula, oyo limwe ndyoka lya talela po shi vule lumwe Ehanganano lyaanangeshefa aakriste muElok, momimvo dha piti.

Ehanganotumo lyAanangeshefa yOngerki onkwaevangeli paLuther yomOwambokavango (EANGELOK) olya dhikilwe 1964 nohali futu omuyevangeliste mEtumo. Uuyuuki nombili yomunangeshefa moshilonga she, osho wo oshilongatumo ongomukriste, oyo oshilalakanenwa sha simana mEhanganano ndika.

Aakriste yalwe taa zi momaitaalo gi ili

nayo wo oye na ompito yokutaambelwa mEhanganano ndika.

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omumbisofi Dr. Leonard Auala,
Amushanga/redakteur Rev. Sebulon Ekanjjo
Ondando yoshifo komumvo muSuidwes-Afrika R1.00, kombanda yomafuta R2.00
Oondando nomambesitelo naga tumwe kOmukwetu, Oniipa, P/B 2013, Ondangwa, S.W.A.

Omatsyitho gomuntu mwene pashinyolwa shuule woondeimi	1	otashi futwa	R1.00
oondeimi	2	otashi futwa	R1.90
oondeimi	3	otashi futwa	R2.70
oondeimi	4	otashi futwa	R3.40
oondeimi	5	otashi futwa	R5.00

Oto vulu okutuma wo efano lyaashono wa hala shi tseyithwe

Owambokavango Church Press
P/B 2013 Ondangwa, S. W.A.